

Skatterådimit najoqutassiaq

Pillugu: Pigisamik aalaakkaasumik tunisinermi iluanaarutit/ajunaarutit akileraaruteqaataasussat naatsorsorneqartarneri.

Piginneqatigiiffinnut, peqatigiiffinnut aningaasaateqarfinnullu il.il aningaasarsianit akileraarutit pillugit Inatsisartut inatsisaanni § 1, imm. 1, nr. 3-miit 11-mut taaneqartunut atuuttussamik inatsimmi pineqartumi § 14-imi nutaamik imm. 4-mik ivertitsisoqarsimavoq.

Tamatuma kingunerisaanik piginneqatigiiffiit il.il. taakku taaneqartut pigisamik aalaakkaasumik nalikilliliiffigineqarsinnaanngitsumik tunisaqarnerminni iluanaarutiminnik akileraartussaataalissapput. Ilanngullugu aalajangerneqarpoq pigisamik aalaakkaasumik tunisaqarnermi ajunaarutit piginneqatigiiffinnut il.il. ilanngaatigineqarsinnaasut.

Aalajangersagaq iluanaarutininut/ajunaarutininut 1.7.1986-ip kingornagut pisunut atuuppoq.

Iluanaarutit/ajunaarutit 1.7.1986-ip kingornagut taamaallaat pisut aningaasarsianut akileraaruteqaataasussanut ilanngunneqartussaammata aalajangerneqarpoq pigisaq aalaakkaasoq 1986-ip siornagut pissarsiarneqarpat iluanaarutit/ajunaarutit naatsorsorneqarnerini pissarsiarinerani nalinga atorngut 1.7.1986-imi niuernerme nalinga atorngassasoq; nalinginnaasumik nalinga.

Pigisamit aalaakkaasumit iluanaarutit ajunaarutillu naatsorsorneqartassapput tuninerani - tuninerani aningaasartuutit ilanngaatigalugit - nalingata aammalu pissarsiarinerani - pissarsiarinerani aningaasartuutit ilanngullugit - nalingata nikingassutaattut.

Pigisap aalaakkaasup pitsanngorsarnerani aningaasartuutaasimasut pissarsiarinerani nalinganut ilanngunneqassapput.

Iluanaarutit/ajunaarutit qulaani taaneqartoq naapertorlugu naatsorsorneqartut pigisap aalaakkaasup pissarsiarinerani, 1. juli 1986-imi nalilerneqarnerani imaluunniit pigisap aalaakkaasup tunineqarnerani aningaasarsorneragut piumasarisat, tassani ilaallutik pissarsiarinerani tunineranilu assigiinngitsutigut taarsigassarsinikkut sunnerneqarnera, annertuumik tungaviusimappata suliasaq kommissionimit akileraarusiisartumit skatterådimit aalajangiiffigisassanngorlugu saqqummiunneqassaaq.